



Univerza v Ljubljani
Veterinarska fakulteta



DEKLARACIJA DEKANSKE KONFERENCIJE VISOKOOBRAZOVNIH USTANOVA VETERINARSKE MEDICINE REGIONA

Sarajevo, 21. – 24. septembar, 2023. godine

Univerzitet u Sarajevu - Veterinarski fakultet (Bosna i Hercegovina) - dekan prof. dr. Muhamed Smajlović, inicijator i domaćin konferencije
Fakultet veterinarske medicine Univerziteta u Beogradu (Republika Srbija) - dekan prof. dr. Milorad Mirilović
Veterinarski fakultet Univerziteta u Ljubljani (Republika Slovenija) - dekan prof. dr. Breda Jakovac Strajn
Fakultet veterinarske medicine, ss. Ćiril i Metodije Univerziteta u Skopju (Republika Sjeverna Makedonija) - dekan prof. dr. Lazo Pendovski
Veterinarski fakultet Sveučilišta u Zagrebu (Republika Hrvatska) - dekan prof. dr. Marko Samardžija

Donose deklaraciju o zajednički prepoznatim izazovima i potencijalima visokoškolskih i istraživačkih institucija veterinarske medicine u regionu:

1. Veterinarska medicina, profesija čiji je rad zakonski regulisan na nivou država, Europske unije i međunarodnih organizacija s mandatom za zdravlje životinja, sigurnost hrane i javno zdravstvo, je ključna za kontrolu, prevenciju bolesti i dobrobit životinja, proizvodnju sigurne hrane sa konačnim ciljem zaštite zdravlja i blagostanja ljudi. Uz zabrinjavajuću dominaciju bolesti prenosivih sa životinja na ljude - zoonoza, uz i usljed devastacije okoliša i globalnih klimatskih promjena te ugroženosti globalnog lanca ishrane, raste razina tražene odgovornosti, spremnosti i kapaciteta svih aktera oblasti jedinstvenog zdravlja, a time i veterinarskih visokoškolskih ustanova diljem svijeta.
2. Veterinarski fakulteti/fakulteti veterinarske medicine regiona, unatoč stalnim i često ograničavajućim promjenama okolnosti rada, su opredjeljeni i proaktivni u jačanju kvaliteta i modernizaciji obrazovanja, promociji značaja i inherentnoj interdisciplinarnosti veterinarstva, sudjelovanju u aktuelnim naučnim-istraživanjima, kao i razvoju stručno-savjetodavnih i dijagnostičko-ispitnih kapaciteta u svojstvu integralnih dionika javnih veterinarskih i javno-zdravstvenih servisa matičnih država i državnih zajednica.
3. Veterinarski fakulteti/fakulteti veterinarske medicine regiona kroz tekovine historijske povezanosti i kontinuirane zajedničke aktivnosti prepoznaju da sveobuhvatnost zahtjeva društva su u srazu s individualnim kapacitetima i realnim mogućnostima fakulteta. Zajednički prepoznat smjer bržeg i ekonomičnijeg napretka je ostvariv kroz internacionalizaciju, međunarodnu saradnju, transfer znanja i iskustava, kao i zajednička istraživanja uz dijeljenje akademskih, istraživačkih i materijalnih resursa, s obzirom da predmet veterinarske struke i nauke ne poznaje, niti priznaje međudržavne granice.
4. Uz opredjeljenje za nastavak, inteziviranje i podršku zajedničkim aktivnostima veterinarski fakulteti/fakulteti veterinarske medicine regiona naglašavaju da veterinarska medicina i djelatnosti imaju prepoznatu ulogu u ostvarivanju 15 od 17 ciljeva održivog globalnog razvoja (SDGs- Sustainable Development Goals) identificiranih u UN-ovoj "Agendi 2030 za održivi razvoj", a također je jedan od ključnih aktera u ispunjavanju EU Aquis-a, gdje od 35 pristupnih poglavlja Europskoj uniji, jedno je u potpunosti posvećeno veterinarstvu, a u drugih devet, veterinarstvo ima strateški doprinos.

Održanje, prosperitet i konkurentnost ustanova veterinarske edukacije regiona ima nemjerljiv doprinos održanju, prosperitetu i konkurentnosti država te je neophodno da budu prepoznati i priznati kao strateški partneri od javnog značaja matičnih država, a u skladu s tim konkretno podržani društveno i ekonomski odgovornim politikama, strategijama i upravljanjem od nadležnih javnih tijela i donosioca odluka.


Prof. dr. Milorad Mirilović - dekan
Fakultet veterinarske medicine Univerziteta u Beogradu


Prof. dr. Breda Jakovac Strajn – dekan
Veterinarski fakultet Univerziteta u Ljubljani


Prof. dr. Muhamed Smajlović – dekan
Univerzitet u Sarajevu - Veterinarski fakultet


Prof. dr. Lazo Pendovski - dekan
Fakultet veterinarske medicine – Skopje,
ss. Ćiril i Metodije Univerziteta u Skopju


Prof. dr. Marko Samardžija - dekan
Veterinarski fakultet Sveučilišta u Zagrebu

Sarajevo, 22. septembar/rujan, 2023. godine